

تورک مصالری

ناصر قانبور اولدی

۵ غروسه



صاحب و نائری اقبال کتبخانه سی صاحبی - حسین

محمود بک مطبعه سی

تورك مصاللى :

نصل قانور اولدى؟

سليمان توفيق

صاحب و ناللى
اقبال كىتبخانهسى صاحى
حسين

محمود بك مطبعهسى
۱۹۲۵ - ۱۳۴۱

نصل قانبوز اولدی ؟

وقتیه استانبول شمديکی کبی دکلدی . سلطان بايزيد جوارنده بو کون اولدینی کبی کنیش میدانلر و جاده لراولماقله برابر جامع شريفك اطرافی آچقدی . اورالده ینه بر قاچ قهوه خانه واردی . صباح واقشام بر طاقم کسه لر بورالده اوتوروب هوا آلیرلر، احبابلر طوپلا . نوب صحبت ایدرلردی .

بر کون ایکی آرقداش بو قهوه لردن برینه کلوب اوتوردیلر . بر قهوه ونارکیله اصهارلایارق مصاحبتنه دالدیلر . او صروده اورته بویلی ، سهویلی جهرملی ، ایکی اوموزی آراسنده بویوک قانبوری بولنان بری مذکور قهوه خانه یه کله رک بو ایکی آرقداش دن برینه سلام ویردکن صکره بر آز اوتوده اوتوردی .

قانبورک سلام ویردیکی ذات آرقداشنه دیدی :

— بو بکا سلام ویرن آدمی طانیرمیسکز؟

آرقداشی جواب ویردی :

— خایپر طانیپورم . ایلک دفعه اولارق کوردم . غالباً سزک اجابکنز .

اوت . پک سودیکم بر اجابمدر . غایت ذکی، هر زمان شن، اکلنجلی، حاضر جواب بر آدمدر . صاپ صاغلام و کوزل اوله رق طوغدینی حالده اون آلتی باشنده ایکن پک غریب بر صورتده قانبور اولمدر . هله نصل قانبور اولدیغنی اوپله تحف بر صورتده حکایه ایدرکه، ایسته ایه کز چاغیرایمده سزکله کوروشد برهیم .

آرقداشی ممنون اوله جغنی سوینلدی . بونک اوزرینه او ذات سسلندی :

— احمد افندی یا هو ! نه ایچون اوپله اوزاغه قاچدیکنز ؟
— بلکه آرقداشلرله خصوصی بر مکالمه کز وارد دیه آیری اوتوردم .

— خایر ! سزدن کیزلی بر شیشمز بو قدر . یانمزه تشریف ایدر ایه کز ممنون اولورز . سزه اک سه و دیکم بر ارقداشی تقدیم ایدهیم . قانبور احمد قالقارق کلوب ایکی آرقداشک یانلرینه کلدی و اوتوردی . حسین بک آرقداشینی احمد و احمدی آرقداشینه تقدیم ایلدکن صکره قونوشمغه باشلادیلر . اوتهدن بریدن بر از مصاحبتدن صکره حسین بک قانبوره دیدی :

— احمد افندی شو سزک سر انجاسی لطفاً بزم بکه حکایه ایتسه کز .

قانبور سر کذشتنک دکرلی بر شی اولدیغنی درمیاندن صکره :

— مادامکه آرزو ایدیورسکز . باش اوزرینه .

ديهرك شو وجهله حكايه به باشلادی :

— بوندن تام اوتوز ايكي سنه اول آيا صوفيه جوارنده يره باتان
محل سنك شفتالي سوقاغنده دنيايه كلدم . پدرم او زمانك يورغانچيلر
كهيه سي اسماعيل آغا اولديغندن حال و وقتمز يرنده ايدى . بن ايلك
اولادى ايدم . خوش بندن صكره ده اولدى يا . اوچ سنه دنبرى خسرتى
چكديكي اولادك ، همده اركك اوله رق تولدى اوزرينه اصنافك ايلرى
كليرلرني ، محلله امام و مختارلرني دعوت ايدهرك بر ضيافت و يرمش و بو
جهيتنده بكا احمد اسمى قولشدر .

طوغديغ زمان صاب صاغلام ، كوزل ، سه ويلى بر چوجق ايشم .
بش ياشنى اكل ايله آلتى به باصديغ زمان مكل بر آلايله ، الهيلرله
بنى مكتبه و يرديلر . صوك درجه ياراماز ، اله آووجه صيغماز بر آقاجان
اولديغندن بوتون مكتب آرقداشلم ، خوجهم و قالفام امدن مدد الله
چاغيربورلردى . هر كون منتظماً فالقايه ياتار ، بر قاچ دكنك يردم ،
فقط ممكن دكل اوصلا نمازدم .

اختيار بر آدم اولان مكتب قالفاسنه مسلط اولمقدن بك حظ
ايدردم . بچاره آدمه يامديغ عزيزلك قالمزدى . اوده بنى هيچ سهو .
مزدى . بنى كورونجه باشنى اوته طرفه چويرير ، لاحول او قوردى .
بر كون ينه عادتى اولدينى وجهله درس خانه نك قاپوسى او كنده
اوتورمش ، درين بر اويقويه دالمشدى . خوجهده ايچريده چوجقلرله
مشغولدى . مركب شيشه سنى آلوب قالفانك ياننه كيتدم . بر كاغدى
بو كهرك فورچه كبي يابدقن صكره يانا قلرينه ، آلننه على العجائب
رسملر ياددم . صكره اوموزينه حزله دورتهرك :

-- قالفا ! قالفا ! خوجه افندی سنی چاغیر یور .
 دیه او یان دیردم . قالفا کوزلربی آجدی ، اطرافه شاشقین شاشقین
 باقدقدکن صکره قالقدی ، خوجه نك قارشوسنه کیتدی . بن قابونك
 اوکنده دورمش سیر اید یوردم .

هیچ بر شیدن خبری اولمایان خوجه باشنی قالدیروب قالقه یی یوزی
 کوزی سیم سیاه کورونجه بردنبره شاشیردی . بو لطیفه یه قیزمقله برابر
 کولمکدن ده منع نفس ایدمه مه رک صورتی :

— نه اولدك ؟ نه ایسته یورسك ؟

— بنی چاغیرمش سکزده

--- سنی کسه چاغیرمدی . فقط بو حال نه ؟

-- اوتورورکن او یومشمده .

— سکا او یوبوب او یومدیغی صور میورم . یوزیکه نه اولدی ؟ اونی

صور یورم .

— یوزومده نه وارکده ؟

— فسبحان الله ! یوزك قاب قاره ...

خوجه ایله قالفا آره سنده بو محاوره کچر ایکن بوتون چوجقلر
 فیس فیس کولیورلردی . قالفا نه اولدیغندن بی خبر ، شاشقین شاشقین
 خوجه نك یوزینه باقیوردی . اونك بو حالی خوجه یی قاتیلاجق درجه ده
 کولدی ر یوردی . نهایت خوجه آیاغه قالقدی . قالقایی قولندن طوتوب
 مکتبدن چیقاردی . یقینده بولنان قهوه خانه یه کوتوره رک آینه نك قار-
 شوسنه دوردیردی و دیدی :

— بر کره شوراده یوزیکه باقده نه وار کور .

اختیار قالفه یوزینک و کوزینک سیم سیاه اولدیغنی کورونجه بردنبره
فنا حالده قورقدی و آوازی چیقدیغنی قدر :

— آمانک بن نه اولشم ؟

دیه حایقیرمغه باشلادی . نهایت ایش اکلاشلادی . بو موزبلکی
آنحجق بنم یاپه جنم معلوم اولدیغندن همان فالقایه یاتیرلدم . او کون هر
زماندن اوچ دکنک فضلہ اولق اوزره تمام اون دکنک بیدم .
خوجه بنی چوقدن مکتبدن قوواجقدی . فقط پدرم محله نك
خاطری صاییلبر بر آدمی اولقله برابر خوجه ییده آرا صیرا فضلہ جه
اکرامده بولندیغنی جهتله هر درلو یارامازلغمله برابر مکتبده قالیوردم .
صباحدن آقشامه قدر موزبلکدن بشقه بر شی دوشونم دیکمدن
درسمله پک آز مشغول اولویوردم . درت سنه ده آنحجق ختم ایده بیلدم .
بر آزده اوقویوب یازمق اوکرنم . پدرم بنی کندیسی کبی بر صنعتکار
ایتمک فکرنده اولدیغندن اون بر یاشنه کیردیکم زمان بنی مکتبدن
آلدی . بابامله برابر دکانه کیدیوب کلیوردم . بو حال سکز آی دوام
ایتدی . پدرم بر صوغوق آلمه نتیجه سی اولارق خسته لانوب یاتاغه
دوشدی . اون بش کون صکره ده وفات ایتدی . بشقه کیمسه مز
اولدیغنی جهتله والده مله برابر یالکز قالدق .

آنهم بنی پک چوق سه وهردی . بابامک وفاتندن صکره بو محبتی
دها زیاده آرتدی . هر ایسته دیکم اولور ، هر سوزم درحال یرینه
کلردی . اؤک ایچننده امر ایدهن ، حکم ایدهن بن آیدم . ذاتاً
یاراماز اولان طبیعتم بوتون بوتون بوزولدی . حادثا بر مستبد کسیدم .
صباحدن آقشامه قدر سو قاندرده کزهر ، محله چوق قلیله اوینا یه رق

خاوغا ایدەرك وقت كچیریردم . همان هر آقشام اوستم باشم توزطوپراق
ایچنەدم ، مكممل بر طیاق یمیش اولدیغیم حالده اوه کلیردم . آنەم ،
بیم بوجالمی پك طبیعی بولور ، بنی تکدیر ایتمز وهیچ سس چیقارمازدی
هرکون بر پارچه دها اخلاقم بوزولهرق اون آلتی یاشنه قدر
بویلهجه امران حیات ایتدم . کندم کبی حایلار ، اخلاقسز بر قاج
آرقداشمده واردی . اونلرله برابر سفاهتخانهلره ، میخانهلره کیتمکه
باشلامشدم ، بعض کیجهلری دیشاریده کچیریردم .

بو حیات نتیجهسی اولارق بابامدن قالله نه وار ایسه هپ ایتمش ،
چوقدن ساتلش اولان دکان بدلیده آلدن چیقمشدی . کچنمک ایچون
زحمت و مشکلات چکمکه باشلامشدم . بر آقشام ینه عادتیم وجهله
کچ قالشدم . یوزمدن چکدیکی زحمت و مشقته آرتق تحملی قالماش
اولان والدهم اوکیجه بر آز فضلهجه سویلندی . اوکونه قدر آلیشامش
اولدیغیم بوسرز نشلر ، بو نصیحتنر بکا پک آغیر کلیوزدی . اول امرده
سکوت ایتدم . آنەم بیم کچیرمکده اولدیغیم سرسری حیاتدن ،
حیلازلقدن آجی شکایت ایتدی . آرتق بر ایش صاحبی اولوق
زمانی کلئس وحتى کچمش بیله اولدیغنی سویلیدی . بن کیتدکجه قیزیوردیم
بزدنبره باغیروب چاغیرمغه باشلامدیم ، صوک درجه حدتله سوراق قاپوسنی
آچوب طیشاری یه فیرلادم .

کیجه یاریسنی کچمشدی . هر طرف زفیری قارا کلقدی . نه یاباجغمی ،
تریه کیده جکمی بیلیمیهرك آياصوفیه یه طوغری یوردیم . اوه دوتمامک
فکرندە ایدیم . بوندن مقصدم والدهمی مراقه دوشورمک ، بر دها
بکابویله سوزلرسوئلماسنی تأمین ایتمکدی . هم دوشونور وهم یورویوردیم .

اوصرده ، آق بیق محله سنده اوطوران بر آرقداشم خاطر مه کلدی .
اونک اوینه کیدوب کیجه بی اوراده کچیرمه که قرار ویردم . بونیتله
یوریمکده دوام ایتدم . تام حمامک اوکنه کلدیکم زمان قابونک آجیق
و ایچریسنک آیدینلق اولدیغنی کورددم . آرقداشمک اوینه کیتمک
فکرندن وازکهرک کندی کندیمه :

— اوح نه اعلا ! حمام آجیق . کیرر بیقانیرم ، صکره ده صباحه
قدر یاتار او یورم .

دیهرک ایچری به کیردم ، حمامک طیش صوغو قلفننده برچوق قندیلر
و قنارلر یانوردی . هر طرف کوندوز کبی آیدینلق ایدی . فقط
اورته ده کیمسهر یوقدی .

— احتمالکه حمام خدمتجیلری ایچری به کیرمشلردر . شیمدی
چیقارلر دیهرک دوروب بکله دم . اطرافه قولاق ووروب دیکله دم . هیچ
بر سس ، صدا یوقدی . اوصرده قابو طرفندن آیاق سسلری ،
کولوشملر ایشیده رک آرقامه دوندم . اوینایارق ، بر بریله شقالاشه رق
بر چوق چوجوقلرک ایچری به کیردکلرینی کورددم . همان بر طرفه
چکیله رک و کیزلنهرک کلنلری سیره باشلادم . چوجوق ظن ایتدیکم
بو مخلوقلر کوبکلرینه قدر اوزون ، تکمیل کواکسلرینی اورته جک
قدر کنیش ، قوروم کبی سیاه صقاللی ، قرمز سیوری کلاهللی ،
بر قاریش بویلی ، کوزلری آشاغیدن یوقاری به طوغری یاریلش غریب
مخلوقلردی .

ایلك کوروشمده دوچار حیرت اولدم . فقط چوق کچمه دن
حیرتم قورقویه بر ویردی . فنا حالدده قورقویور و تیر تیر تیره یوردم .

آلمدن ایری ایری، بوزکی ترلر آقیوردی . بونلرک هر زمان ماصالدرده
دیکه دیکمز طائفه جندن اولدیغنه هیچ شبهه قالماشدی . بی کور مسونلر
دیه بوزولدلم . یقینده بولنان سدیرك آرقه سنه کیزلنهرك آراغندن مراق
و اندیشه ایله نه یابدقیرینی ، نه یاپاجقیرینی سیره باشلادم .

جنلری برر برر صایدیم ، تمام یکریمی دوت دانه ایدیلر . آرقه لرنده
ضاری ، قرمزی ، بیاض ، مور ، ماوی الحاصل دها برچوق رنک لرله
مزین یلکدر ، دیزلرنده ایسه ینه عینی شکلده کنیش شالوارلر واردی
دونلرک اوچقوری بربرینه باغلامش و بوغازلرندن کچیرلمشدی .
آیاقلرینه سیوری برونلی قرمزی پابوچلر کیمشلردی .

بربرلیله قونوشیور ، اویناشیورلردی . براز صکره بر چغراق
سسی ایشدیلدی . بوتون بو عیب مخلوقلر عجه ایله قابویه دوغری دونوب
دیزلیدلر . اوصرده آرقه سننده ، اولکیلر کبی ایکی جن بولنان بر
دیگر جن قبودن ایجری کیردی . اولجه کلش اولانلر بویکی کلنک
اوکنده اکیلهرك عرض احترام ایلدکلرندن بونک اونلرک بکی اولدیغنی
آکلادم . قیافتی ده اونلردن فرقلی ایدی . یلکی وشالواری یاری یاری به
قرمزی و صاری اولدیغنی کبی باشنده کی سیوری قرمزی کلاهک
تپه سننده بر ماوی پوسکول واردی .

جنلرک رئیس حامجینک اوطور مسنه مخصوص اولان سدیرك اوستنه
صیچرایوب چیقدی و قورولوب اوطوردی . دیکرلری اطرافنه
دیزلوب دوردیدلر . بکلرینک سویلیدیکی شیرلی دیکه دیدلر . صکره بکک
براشارتی ایله جمله سی اطرافه داغیلیدلر ، برطاقم کوچوک سپتیر کتروب
آچدیدلر ، درلو درلو یملکر ، اکمک و حلوا چیقاردیلر . اورته یرم .

سردکلری مکمل بر سفره نك اوستنه بو یملکری دیزدیله .
 بك ، قالقوب سیدردن ایندی ، کلوب سفره نك اوستت باشنه
 اوطوردی . دیکرلری ده اطرافنه دیز چوکوب اوطوردیلر . کوله رك
 و اوینایه رق طعام ایتمک باشلادیلر .

یملک نه قدر سوردیکنی تخمین ایده م . بکا بر سنه قدر اوزون
 کلن بو زمان احتمالک یارم ساعتدن عبارتدی . بکک سفره دن قالمه سی
 اوزرینه هبسی ده قالدیلر و سفره یی طوبلادیلر . باش جن اورتاده
 آیاق اوستی دوردی . دیکرلری اطرافنه بر حلقه تشکیل ایلدیلر .
 بك ، اطرافنه آمرانه بر طورله کوز کزدیردکن صکره حایقیردی :
 — یارین ندر ؟ چابوق سویلیک .

دیکر جنلر هپ بر آغیزدن جواب ویردیله :

— چارشنبه در ! چارشنبه !

صکره جمله سی بردن چارشنبه در ! چارشنبه ! دیه هورا تمک
 باشلادیلر . بو یایغره اون دقیقه قدر سوردی . اوصره ده اورتاده
 دوروب بو اوپونی سیر ایدن رئیس ایکی النی بربرینه اوردی . هورا
 تپنلر و حایقیرانلر بردنبره دوروب صوصدیلر .

باش جن ینه آمرانه طوریه سوردی :

— بوکیجه ائی اوله جق خسته یوقی ؟

حلقه دن بر جن ایله یوله رک رئیسک اوکنده باش ا کدی ویدی :

— افندم بوکیجه لطفکزه . محتاج بر قانبور واردر .

— نه ایستور ؟

— آرقه سنده کی بویوک بر قانبوردن پک زیاده زحمت چکدیکی

جهتله بوندن قورتلوق ایسته پور .

— هایدی کتیریکز کوره لم .

در حال حلقه دن ایکی کشی آریله رق قابودن چیقیدیلر . بش دقیقه
صکره ایکی اوموزی آراسنده بویوک بر چکمه چه قدر قانبوری اولان
یر آدمی اورته یه کتیردیلر .

رئیس بوکا صورتی :

— بورایه نیچون کلدک ؟

— ائی اولوق ایچون کلدم .

— بزم سنی ائی ایدم جگمزی نردن طویدک ؟

— ائی ایتدیگکز بر آرقداشم خبر ویردی . بر هفته در دعا

ایدوب یالواریوردم . براز اول ینه دعا ایدرکن خدمتکارلریکز کلهرک
بنی آلدیلر و بورایه کتیردیلر .

— پک اعلا ! هایدی سنده صره یه کیر .

بو امر اوزرینه قانبورده جنلرک حلقه سنه کیردی . جمله سی آل آله

ویردیلر . رئیسک اشارتی ، امرینی بکلورلردی .

رئیس صورتی :

— یارین ندر ؟

جمله سی بر آغیزدن جواب ویردیلر :

— چارشنبه در ! چارشنبه !

رئیسک بر اشارتی اوزرینه قانبورده داخل اولدینی حالده جمله سی

چارشنبه در ! چارشنبه ! دیه باغیرارق هورا تیمکه باشلادیلر . براز اوینا-

دقدن صکره ینه بک طرفندن ویریلان بر اشارتی متعاقب دوردیلر .

باش جنی الیله اشارت ایده رک قانبوری اوکنه چاغیردی ووردی:
— یارین ندر؟

قانبور درحال جواب ویردی:
— چارشنبه .

حالبوکه اوکون جمعه و ایرتسی ایسه جمعه ایرتسی ایدی. بن کندی
کندیبه دوشوندم:

— بونلر هپ یا کلیورلر . یارین چارشنبه دهل جمعه ایرتسیدر .
رئیس بوتون جنلره خطاباً ووردی :

— یاریندن صکره ندر؟
جمله سی بر دن باغیردیلر :

— چارشنبه در! چارشنبه!
رئیس قانبوره ووردی :

— شمدی سن سویله یاریندن صکره ندر؟
قانبور درحال جواب ویردی :

— یاریندن صکره چارشنبه در؟ چارشنبه!

بن کیزی اولدیغ یردن عادتاً قیزیوردم . کندی کندیبه :

— نه دیمک؟ هر کون چارشنبه اولورمی؟ غالباً بونلر باشقه بر
کون بیلیمورلر . دیه دوشونبوردم .

جنلرینه برمدت هورا تپدیلر . قانبور اورته ده ، رئیسک اوکنده
دورو ووردی . باش جنک آل چیرمه سیله اویون ووردی ، سس و صدا
کسیلیدی . اطرافی درین بر سکوت قاپلادی .

جنلرک بکی الیله اشارت ایده رک آدملرندن برینی چاغیردی و امر

ایتدی :

— آرتق شو قارداشمزی یوکندن قورتارمق زمانی کلدی .
 هایدی قانبورینی قالدیز .

بو امری آلان جن قانبورك ياننه یاقلاشدی . ایکی ایله ایکی طرفندن طوتارق قانبوری قالدیردی . او حالده خسته اوح ! دیهرك درحال بنی دوغرولتدی . صاب صاغلام بر آدم اولش، آرقهسنده کی آغیر یوکدن قورتلمشدی . ینه هورا باشلادی . بو دفعه سابق قانبور دها زیاده برشوق ایله صیچرایور ، جملهسندن زیاده باغیر یوردی :

— چارشنبه در ! چارشنبه !

ایکی دقیقه قدر دوام ایدن بورقصه و کورولتویه ریئسک بر اشارتی ایله نهایت ویرلدی . اوزمان ایکی جن سابق قانبورك قوللرندن طوتارق بکک اوکنه کوتوردیلر و آلینی اوپدیردیلر . بوندن صکره بوتون جنلر ایله اوپوشدیلر . جملهسی ایی اولان خسته یی تبریک ایتدیلر .
 قانبوری قالدیرمش اولان جن اونی حالا النده طوتیوردی .
 صورتی :

— شیمدی بونی نزهیه قویایم ؟

هرکس بر برینه باقیور، ریئسک ویره جکی امری صبرسز لقله بکلپوردی .
 ریئس دیدی !

— شوراده ، سدیرک آرقهسنده کیزلنش برچوجوق وار . اونی بورایه کتیریکیز .

جن بکنک ویردیگی بو امری طوینجه تتره مکه باشلادم . فنا حالده قورققدم . فقط قورتلق چارهسی یوقدی . چیقوب قاچامازدم . نه اولورسه

اولسون ديمكدن بشقه اُلمدن برشى كلزدى . ايكي جن كلهرك بنى كيزلى
 اولديغ يردن چيقارديلر ، حلقه نك اورته سنه ، بكك اوكنه كوتورديلر
 باش جن باشدن اشاعى به بنى سوزد كدنصره سوردى :

— آدك ندر ؟

— احمد .

— قاج ياشنده سك ؟

— اون يدى .

— بو وقت بوراده نه آرايورسك ؟

— كچيوردم . قاپوبى آچيق كوردم . ييقانمق ايچون ايچرى كيردم

— شمى بوتون انسانلر ياتاقده ، اويقوده درلر . سن نه ايچون

يويله كيجه ياريسندن سوكره سوقاغه چيقدك ؟

— والدهم ايله غاوغا ايتدك . قيزدم چيقدم .

— ايشته بويوك برقباحت !

بوتون جنلر بردن حايقيرديلر :

— حقكز وار ! بويوك قباحت !

رئيس ينه بكا دونهرك سوردى :

— اي شمى سويله باقالم يارين ندر ؟

— جمه ايرتسى در .

بوتون جنلر بر آغيزدن :

— چارشنبه در ! چارشنبه !

بن اونلره دونهرك ديدم :

— خاير ! ياكليورسكز . چارشنبه دكل جمه ايرتسى در .

ینه جنلر باغیردیلر :

— چارشنبه در ! چارشنبه !

اونلر چارشنبه در ! دیدکجه بنده جمعه ایرتسی در . دیوردم . طبعمده کی
 عنادجیلق ، مستبدک بوتون قورقومه غلبه ایتشدی . بهمه حال بونلره
 یا کلدقلرنی آ کلامق و یارینک چارشنبه دکل جمعه ایرتسی اولدیغنی
 اعتراف ایتدیرمک ایسته یوردم .

بم بو درجه معند اولدیغنی کورن و فنا حالدده حدت ایدن رئیس

حایقردی :

— هانی قانبور نرده در ؟

قانبوری النده طوتان جن اورتیه کله رک دیدی :

— ایشته افندم بوراده .

رئیس تکرار بکا صوردی :

— احمد ای دوشونده او یله جواب ویر : یارین ندر ؟

— جمعه ایرتسی .

ینه جنلر — چارشنبه در ! چارشنبه !

رئیس بکا او چنبی دفعه اولارق صوردی :

— آی دوشون .

بن — ای دوشوندم . قطعاً بیلیورم . چارشنبه دکل جمعه ایرتسی در
 آرتق بم تبدیل لسان ایتیه جکمه قناعت حاصل ایدن رئیس امر

ویردی :

— او قانبوری شو بدلانک آرقه سنه قوی .

قانبوری النده طوتان جن یانمه کله رک ایکی اوموزیمک آراسنه قویدی .

بك ینه صورتی :

— احمد یارین ندر ؟

— جمعہ ایرتسیدر دیدمیا .

باش جنك بر اشارتی اوزرینه بوتون جنلر هورا تپرك اطرافده
دوغمكه باشلادیلر . تام او صرده ایدیکه بر خر . سن سسی ایشیدلدی .
درحال قنديللر و فنارلر سوندی ، حمامك ایچی قاب قارا کلق اولدی .
جنلر بر آنده غائب اولشلر ، بن یا پایالکر قالمشدم . اوموزلریمك آره سنده
آغیر بر یوک واردی ، بلم بوکولمشدی ، آرتق قانبور اولمشدم .
اوزمان نه قدر بویوک بر خطا ایتمش اولدیغی کلام ایسه ده
ایش ایشدن کچمشدی . حمامدن طیشاری چیقتم . شفق آتمش واور .
تالق آفارمشدی . طوغریجه اویمزه کیتدم وقاپویی چالدم .
والدهم کلوب قاپویی آچدی ، بر قاج ساعت اول صاپ صاغلام ،
فدان کبی اولدیغی حالده اودن چیقان اوغلك بویله بلی بوکولمش ، ایری
برقانبور ایله یوکلئ اولهرق عودت ایتسی احتمالی خاطرینه کتیرمدیکی
جهتله بنی طانیهمدی . قاپونک آرالغندن باقرق صورتی :

— کیمی آرایورسکز ؟

— بن ایم آنه .

— سن کیمسک ؟ بن سنی طانیمیورم .

— آ! آنه جکم اوغلك احمدی طانیمدکی ؟

بو محاوره کچدیکی صرده قانبورمدن طولانی بلم بوکولمش وباشم
یره طوغری صارقش اولدیغندن آنهم یوزیمی کوره مامشدی . باشمی

قالديردم . پيچاره قاذين دقتله باقوب بنی طاندينجه بردبیره شاشيردی .
بر کره وای ديهرك اولديني يرده ييقيلوب باييلدی . همان قابوي ايتدم .
آنه می قوجاقلايوب او طه سنه کوتوردم . يوزينه صوسه رهرك، بروننه
يوك قوقلادهرق آييلتدم . کوزلرني آچدی . بنی ياننده اوحالده کورونجه
آغلامغه باشلادی :

— آه اوغلم بو نه حال ؟ نصل بويله اولدک ؟

ديهرك ديزلرني دوکيوردي . بنده آلمک قاره يازيسنه اونکله برار
آغلايوردم . اوکيجه اودن چيقدقن صکره باشمه کلن فلاکتی تماميله
آکلاتدم . پيچاره قادين او قدر مایوس اولديک ايرتسی کون خسته .
لانوب يتاغه دوشدی . بر قاچ کون صکره ده وفات ايتدی .
بنی اوحالده ، قوجه بر قانبورله کورن محله خلقي ، بوتون دوستلرم
و آرقداشلرم دوچار حيرت اولدیلر .

والده می مزاره کوتوردکن صکره درديمه برچاره بولق سوداسنه
دوشدم . نه قدر حکيم ، خوجه وار ايسه برکره باش اوردم . جمله سنه
نصل قانبور اولديني اکلاندم . هپسی بنی بو بلادن قورتارمق ممکن
اولديني سويلدیلر . بو حالده بش آلتی آی کچدی . بر کيجه کندی
کنديمه دوشوندم .

— بو بلايه بنی صوقانلر او حامده کی جنلدر . قورتايرلر ايسه
ينه اونلر قورتاير .

همان قالقوب سوقاغه چيقدم . کيجه ياريسي واورته لق سيم سپاه
قارا کلقدی . آیا صوفيه حامنک اوکنه کيتدم . اوراده شفق آتجه يه
قدر دولاشدم . هيچ کلن و کيدن اولدی . ايرتسی کيجه ينه کيتدم